

FLOREAN DAL PALAZZ

- AL SALTE FUR LA JOIBE -

OGNI DOI NUMARS 5 CENTESINS L'UN — BEZ SUBIT

Si vendin là vie da l'Edicole e là dai Tabachins in Marciavieri, in piazza Contarene e in Borg di S. Bartolemo

Abonamens par l'interno, un An quatri francs, sis mes doi francs; par l'estero il doppi.

Inserzioni: infidisi cu l'Aministrazion. Mandà i bez cun letare raccomandade o in vaglia postal al seimplis indirizz: **Aministrazion dal Florean dal Palazz -- Udin.**

FLOREAN AL MINERVE

Carneval al è finit, almanco a Udin, e cui che nol è stuff di balà e di divertissi al po ciapà il prin treno e là a Milan a fa il Carnevalon. Ma o riten che sein pos chei che vevin tant murbin, parcè che par velu bisugne ve unmon di carantans di spindi, e, a Udin, o erod almanco, lis satchetis de magioranze e devin jessi sutis.

Contentinsi duncè di fevelà di ce che al è stat par sciarà lis partidis di chesg doi mes di matetàs di ogni sorte cun gran legrie di chei dal Consorzio Filarmònich, di Sior Tite Pinzan, di Sior Checo Zechin, e dai sunadors dal Pomo.

Uè, par altri, bisugne che i lassi la pèraule a che famose balarine che jè la sartorele Lisute, da la qual us hai publicat une letare tal numar passat.

Eco ce che mi scriv che ciare frutate.

Florean benedet,

Tu sas che il proverbio al dîs che la lune e fas lusor ai laris e ar inamoras. Ben e jo o stoi cul proverbio parcè che o soi lare e inamorado. Come, tu mi diras tu, ançe lare tu ses? Sissignor ançe lare. Ma intindinsi, no mingò no di robe, ma ben di curs. Se tu savessis ce tang che on d'hai robas e che o continui a robà fasind diventà mas tang pivei che uelin fa i zerbinos e che uelin ciassà il nas dapardutt, baste che viodin une cotute. Naturalmentri jo ju fas restà dopo cun tant di nàs, lung come chell di un ciart stalir fur de puarte di Puscueli.

Jo po o soi ançe inamorado, no sta a erodi che il miò cur al sei insensibil al biell mòreto che o hai ciatat al Nazional indoménie. Ma fin che nol ha imparat a balà un poc mior no puess perdonai chell so

gran pecciat di vemi fatt diventà martire di vergine che o jeri e.... che o soi ancemò.

Miarcus o soi stade al Minerve: sì, parcè che cui che no va a un di chei Veglions nol è nance degn di jessi furlan e tant manco udines pur sang come che o soi jo e tu.

No sta spaventati, ciar il miò Florean, dal miò mud di scrivi, ma jo o fas come chell dai salams, par ordin che vegnin su. Par cui che no capis chest mud di di i contarai la storie, parcè che jo la sai lunge plui che no Bertoldo. E ves di savè che un lari di chei numar un al è lèt a confessasi dal plevan prime ancemò che al si jevi dâl jett. Al si inzenoghe donge la cocete e al viod sott di cheste une casse plene di salams e al scomenzà a robant confessansi di vè robat un salam; di vent robat doi tre, quatri e vie di seguit; il plevan i dîs che al confessi dugg i salams robas in une volte soie; no pues al rispuid il lari, o scugni confessaju par ordin che mi vegnin su, fasind cussi viodi al plevan che al ores di: par ordin che si ricuardave.

Ma dula sojo mai lade cul discors cumò jo? Perdonimi Florean, ma di chest al è colpe il professor Osterman che al dà cheste spiegazion ai furlans.

Tornant in ciarade, o mior al Minerve, ti dirai che mi soi divertude unmont. Oh ce Veglion, oh ce lusso, ce eleganze, ce folle alegre e ciassose! Ançe jo no soi mingò no lade vistude come una gefine, sì po! O soi stade su tre gnos a lavorà e se tu mi vessis vidude ce zojel che o jeri! Si podeve si capì che il miò visit nol costave tros bez, ma il bon gust, l'art soprafine, il tai non plus ultra che vin no altris sartorelis e copavin qualunque costum, ançe rich, di altris mascaris.

Si vedeve tra il sì e il no ches formis sulis quals i zovenos di prin pel e ançe chei che lu han vut da un piezz di agns,

FLOREAN DAL PALAZZ

- AL SALTE FUR LA JOIBE -

OGNI DOI NUMARS 5 CENTESINS L'UN — BEZ SUBIT

Si vendin là vie da l'Edicole e là dai Tabachins in Marciavieri, in piazza Contarene e in Borg di S. Bartolemo

Abonamens par l'interno, un An quatri francs, sis mes doi francs; par l'estero il doppi.

Inserzioni: infidisi cu l'Aministrazion. Mandà i bez cun letare raccomandade o in vaglia postal al seimplis indirizz: **Aministrazion dal Florean dal Palazz -- Udin.**

FLOREAN AL MINERVE

Carneval al è finit, almanco a Udin, e cui che nol è stuff di balà e di divertissi al po ciapà il prin treno e là a Milan a fa il Carnevalon. Ma o riten che sein pos chei che vevin tant murbin, parcè che par velu bisugne ve unmon di carantans di spindi, e, a Udin, o erod almanco, lis satchetis de magioranze e devin jessi sutis.

Contentinsi duncè di fevelà di ce che al è stat par sciarà lis partidis di chesg doi mes di matetàs di ogni sorte cun gran legrie di chei dal Consorzio Filarmònich, di Sior Tite Pinzan, di Sior Checo Zechin, e dai sunadors dal Pomo.

Uè, par altri, bisugne che i lassi la peraule a che famose balarine che jè la sartorele Lisute, da la qual us hai publicat une letare tal numar passat.

Eco ce che mi scriv che ciare frutate.

Florean benedet,

Tu sas che il proverbio al dîs che la lune e fas lusor ai laris e ar inamoras. Ben e jo o stoi cul proverbio parcè che o soi lare e inamorado. Come, tu mi diras tu, ançe lare tu ses? Sissignor ançe lare. Ma intindinsi, no mingo no di robe, ma ben di curs. Se tu savessis ce tang che on d'hai robas e che o continui a robà fasind diventà mas tang pivei che uelin fa i zerbinos e che uelin ciassà il nas dapardutt, baste che viodin une cotute. Naturalmentri jo ju fas restà dopo cun tant di nàs, lung come chell di un ciart stalir fur de puarte di Puscueli.

Jo po o soi ançe inamorado, no sta a erodi che il miò cur al sei insensibil al biell moreto che o hai ciatat al Nazional indomenie. Ma fin che nol ha imparat a balà un poc mior no puess perdonai chell so

gran pecciat di vemi fatt diventà martire di vergine che o jeri e.... che o soi ancemò.

Miarcus o soi stade al Minerve: sì, parcè che cui che no va a un di chei Veglions nol è nance degn di jessi furlan e tant manco udines pur sang come che o soi jo e tu.

No sta spaventati, ciar il miò Florean, dal miò mud di scrivi, ma jo o fas come chell dai salams, par ordin che vegin su. Par cui che no capis chest mud di di i contarai la storie, parcè che jo la sai lunge plui che no Bertoldo. E ves di savè che un lari di chei numar un al è lèt a confessasi dal plevan prime ancemò che al si jevi dâl jett. Al si inzenoghe donge la cocete e al viod sott di cheste une casse plene di salams e al scomenzà a robant confessansi di vè robat un salam; di vent robat doi tre, quatri e vie di seguit; il plevan i dîs che al confessi dugg i salams robas in une volte soie; no pues al rispuid il lari, o scugni confessaju par ordin che mi vegin su, fasind cussi viodi al plevan che al ores di: par ordin che si ricuardave.

Ma dula sojo mai lade cul discors cumò jo? Perdonimi Florean, ma di chest al è colpe il professor Osterman che al dà cheste spiegazion ai furlans.

Tornant in ciarade, o mior al Minerve, ti dirai che mi soi divertude unmont. Oh ce Veglion, oh ce lusso, ce eleganze, ce folle alegre e ciassose! Ançe jo no soi mingo no lade vistude come une gefine, sì po! O soi stade su tre gnos a lavorà e se tu mi vessis vidude ce zojel che o jeri! Si podeve si capì che il miò visit nol costave tros bez, ma il bon gust, l'art soprafine, il tai non plus ultra che vin no altris sartorelis e copavin qualunque costum, ançe rich, di altris mascaris.

Si vedeve tra il sì e il no ches formis sulis quals i zovenos di prin pel e ançe chei che lu han vut da un piezz di agns,

DA LA ZAE DI FLOREAN

Il Plevan di s. Nicolò al ha dit che al ul fami balà. Mi displas che Carneval al è finit è che di bon fedel cristian no puess contentalu. Diambar! come plevan al dovaress savè che sin in Quaresime!

Jo po no uei dismenteà lis promëssis che o-hai fatis e par chest o dirai che il plevan di s. Nicolò al merite ricuardat pal so zelo religios.

Figuraisi! In t'une famee vicine de so ciase e faserin un festin e balarin e si divertirin come che qualunque famee oneste ha dirit. Sior sì che il plevan al è lât su dutis lis furis e nujemanco che di cheste robe al fasè argoment di predice e al racomandà ai parochians di preà par che famee dulà che vevin balat.

Po erodial il plevan di s. Nicolò di jessi in vile fra miezz i poi di fa chëstis pantuminis che culi, a Udin, e fasin ridi ance lis gialinis?

Cheste perle di plevan po al è in contradizion cun dugg, parcè che l'otavari dai dai muars, che une volte si celebrave dopo di chëi a Santjacun, al ul falu in Carneval.

Ah busarone! E son ance a S. Spirt e tai Convens di muinis e di fraris che in Carneval e si divertissin in qualche maniere, e lui al ven fur cun ches malincunis e al voress fa balà Florean in Quaresime! No i sta, no i sta, ciar sior plevan, al qual i racomandi di no s-cialdasi tant il sang, di calmasi e di procurà di no fa capelis se nol ul che Florean lu peteni di sante reson.

Hal capit?

Joibe grasse, che mi par che sei stade abastanze magre, e jerin un gropp di mascaratis, vera pezzòs, che levin ator pe citat cun a ciav la bandiere nazional.

La Questure, se al è di dai daur ai republicans o ai iredens o a qualche corone o nastro che no i comudi, e jè pronte, ma lassà che si striscini la bandiere nazional pe citat da lis mascaris e che quindi la rindin oget des bufonadis lis plui trivials chëll al è permitut e nance no si scompon.

Ce rispiett che al ha di vè il popul quand che si espon la bandiere nazional in ocasion patriotichis o in solenitas citadinis!

A lis Asisis al è stat un proces par fals e trufe cuintri un puar diaul di Cividat vitime solite di che infams di usuraris che

te citat di Gisulfo e abondin. Chest nol ul mingo no di che chei galanzumin di usuraris no sein dugg umin timoras di Dio, e vadin a scoltà la sante messe ogni di, almanco une volte par setemane a confessasi e comunicasi, e ance, ogni tant, e fasin di qualche messe.

Cun chëstis nainis lor e erodin di suja dutis lis plais, di justà dutis lis magagnis e che i vegin perdonas dugg i assassinaos che cometin.

Ma no stait mingo no a erodi che di chëste razze di int e sei nome a Cividat! Si po, an d'è ance a Udin e di chësg boings capos Florean in brev us farà il ritrat ben e no mal. E jè ore di tirà ju la mascare a chei bricons che ruvinin il prossim e dopo e van a bati i bancs par dutis lis glesis de citat.

Un altre sentenze a lis Asisis e spieghë benissim come il tant zelo di ciartis Autoritas e il spirt reazionari di ciartis agens pulitichs nol servi par nuje a tigni in prestigio la lez, lis Autoritas stëssis e lis nëstris istituzions.

Che di Trezesin e forin assols e il verdett al è stat applaudit. Ce biele figure che fasin cumò chei altris!

Jo o rispeti dutis lis inpinions e cussì o publichi ance chëste letare:

Ciar Florean.

Qualchidun si ha scandalizat par chëstre mascaris venezianis che son stadis Marcus al Minerve.

Fami il plazè di domandà a chei tai parcè che condusin lis lor fëminis, lis lor fis, lis lor surs, etcetera, a lis rappresentazions da la *Madame Angot* e di altris oparutis unmont pornografichis?

O voress vè une rispueste. Jo po ti dirai che mi par che ance a Udin si scomenzi a corompi i gusg e che la publiche moral e vadi in ribass simpri plui. E chei che nein chëste ciosse no son che ipocritis, forsìt pies di chei che se gioidin a viodi il nud e qualche ciosse di plui.

Ti saludi

Une frute di marida.

L'altre sere sulla rive dal Cisoiell doi scuclars, che puedin ve dis undis agn, meterin ju i libris e il tabar e montarin su chei scolios che costin tang bëz al Comun. Lis uardiis dal Muniepi sequestrarin i tabars, e i libris. I doi fruss no podind là a ciase in chëll stât han dovut lassassi arrestà e condusi in uardiole. Intanti gënitores no vidind vigni a ciase i fis, man-

darin a cerjju par dute la citat. Finalmentri ju ciatin, ma un vigil, che al ha vude la consegne, no ju lasse parti finchè no l'è vignut il capo d'ufaj.

Florean al dis, che va ben, che i vigij vigilin, ma in ches cās dovevin condusi a ciase i fruss, metijd in contravenzion, fa pajà la multe ai genitors, ma no lassà inte angustie lis fameis, che dubitavin di qualchi disgrazie majòr.

Dis di plut Florean, che i fiis di che etat no son sogezz che a l'autoritat paterne, e che i paris devin rispindi, e che se tocierà un altri cās compagn, sugerirà ai genitors di protestà cuintri l'operat dai agenz dal Municipi.

Lis dos ancelis che mi han scritt che altre volte è tornin a la cariche a proposit dal Ross che Vinars al è stat parad vie dal Plevan di Redentor. No puedin dassi la pas parcè che i manee il lor riplen e disin ance che il displazè al è general di dutis lis ancelis par ches provediment cuintri il puar Ross.

Eco contentadis ance cheste volte lis ancelis. Florean nol po neà un favor a ches ciaris frutatis che ben a reson e protezin il Ross che al ha une vos di bass potent e che al faseve risaltà cussi ben i lor coros.

Sabide o mandai al ball dal Circul artistich Venturin. Min d'ha contade une che i jè tociade pa strade.

Al leve vie tiransi su i guanz e justansi la golarine blance, quand che rivad squasi al palazz, al sinti da un balcon: *pst, pst*, e al si voltà par viodi cui che lu clamave.

Tra la lus e il seur al podè viodi sun t'un balcon un cial di femine che, al continuave a fa: *pst, pst*. Po ce dal diaul hal di jessi la vie, al disè fra sè Venturin, ma sicome al veve premure di là al ball al tirà drett.

Se nol foss stat impegnat a che fieste cui sa ce biele aventure che i saress capitade! Ma no si po minga no jessi come Santantoni che al podeve vè il don di ciassassi dapardutt!

Dal Cairo (Egitt) diviars furlans, abonas al Florean, mi scrivin soegnas cuintri chell ingles che al ha insultat la bandiere taliana. La proteste, che dimostre come chei furlans, ance lontans de patrie, e conservin l'amor al propri pais, e jè in date dai 18 dal mes, cioè prime che si cognossès che

lis Autoritas inglesis e han dat plene soddisfazion a l'Italie.

Ance un sfuai franzés che mi han mandat, *Le Bosphore Egiptien*, in date dai 17, al conte il brutt fatt, deploranlu cun frasis vivis e justissimis.

O ringrazi i nestrìs compatrios de fiducie e de buine memorie che han di Florean e mi congratuli cun lor dal patriotism che dimostrin in ches tiaris su lis quals, come ironicamentri e scrivin, e son capitas i fiis da la libere Inghiltere a puarta la civiltat. E ce razze di civiltat!

CORISPONDENZE DI FLOREAN

Premarias, 26 fevvar.

Orpo, Florean, e ce Carneval pericolos che vin vut ches an pes fantatis. A proposit ance di che Isabela che ti hai dit il numar passat che veve di sposasi cun chell fantat che i ha fatt piazzè so pari cun quatri patàs, sattu ce che i ha fatt ches frute doi diis prime di sposasi? E ha dit di là a la comunien, ma invece nissun la havidue. Il moros al è capitat ma no han podut savè a dii nuje e al seugn tornà a ciase cun ches tantin. El meterin in libertat ju invidas e la frute la vioderàn a montà in carrozze sciarade e disin che se lade vie cun un sclav che a je tant i plaseve. Ma e jè une vergogne parcè che e saveve che ches sclav al vave vudè che frute cun une vedue e po an illa an illa in stat interessant. Bisogne che ches sclav, se jè vere come che la contin al vevi la midisire pes fantatis come veni mat di Passarian che al ten lis gusar tal ciapiell par dai ai cians te potente. A fatt sta che la frute cumò e ha piardut il novantam per cent.

VINCENZO LUCCARDI, redator resp. prov.

PUBLICITAT DI FLOREAN

INSERZIONI A PAGAMENT

Chiunque è calvo e vuol riacquistare i capelli deve provvedersi con piena fiducia dello puscolo *La calvizie, sue specie, sue cause, sua guarigione*, del Dott. W. THOMAS GLARCH.

Dirigere semplice domanda al sig. G. Milant e C., Via S. Egidio 16 Firenze, per riceverlo gratis e franco.

Udin, Stamparie Achille Montalbani.